

৪৫ জনা স্পেশালিস্ট ডাক্তাররগন' অফার লেটার রীজাকখা

ত্রিপুরাব' তাবুক জুদা জুদা বাঁখাকতাই সাকচুকজাক আংগাঁই তঙগ' : মন্ত্ৰি অকীরা

হাসতেনি লুকুরগনি থানি কাহামকুক সাকহামনি সেপ রীনাঅ হাসতে হাফাঙ জুদা জুদা য়াপিরি রমাই সামুঙ তাঙগাঁই তঙগ'। সীকাঙগ' হাসতেঅ স্পেশালিস্ট ডাক্তাররগ বাঙথায়া আংমা বাই হাসতেনি হাঙখর থীগাঁই এবা সাব ডিভিশন থীগাঁই সাকহাম নকরগ' স্পেশালিস্ট ডাক্তার রিউই মায়াজ আংগ'। তাবুক ৪৫ জনা স্পেশালিস্ট ডাক্তাররগন' অফার রীমানি বিসিংতাই আ বুকচা তঙমারগন' সুপুঙগাঁই মাননায়। বীসকাঙনি সাল' হাসতে হাফাঙ তেইব' স্পেশালিস্ট ডাক্তার তীলাঙনানি বাগাঁই য়াপিরি রমনায়। থাংনাই ২৬ আগস্টঅ আগরতলানি প্রজ্ঞাভবনঅ ৪৫ জনা স্পেশালিস্ট ডাক্তাররগন' অফার লেটার রীমা পানদাঅ ককমুঙ নারীকফুর অ কক সাখা মন্ত্ৰি অকীরা প্রফেসর (ডা.) মানিক সাহা।

মন্ত্ৰি অকীরা সাখা, হাসতেনি লুকুরগনি নাংকুমমুঙ বাই বাকসা গথগাঁই হাসতে হাফাঙ সাকহামনি সেপন' খবাই জুদা জুদা সামুঙগ' হামকীরাই খীলায় তীলাঙনানি বাগাঁই সামুঙ তাঙগাঁই তঙগ'। ২০১৮ বিসিনি উলনি সিমি জুদা জুদা হেলথ সেন্টারঅ ডাক্তাররগনি বাঙমারি বাঙ রীজাগাঁই তঙগ'। মন্ত্ৰি বখরক নরেন্দ্র মোদিনি নাহারমুঙ আংখা রীঙকীরাঙ সিকলা বসঙনি রীঙমুঙ বাঙরীমানি বিসিংতাই সাকচুকজাক ভারত সঙচানানি। ত্রিপুরাব' জুদা জুদা বাঁখাগ' সাকচুকজাক আংগাঁই বাচাই তঙগ'। হাসতেনি সাকহামনি সেপ হামকীরাই আংমা বাই ফাতার হাসতেঅ বেমারিরগ থাংমানি কিসাখা। মন্ত্ৰি অকীরা খা খীলায় সাখা, কীতাল তীলাঙজাকনায় স্পেশালিস্ট ডাক্তাররগ হাসতেনি লুকুরগন' কাহাম সেপরীথানি সাকথারানী হীনাই। মন্ত্ৰি অকীরা কীতাল তীলাঙজাকনাই স্পেশালিস্ট ডাক্তারগনি য়াগ' অফার লেটার য়াফারখা।

পানদাঅ সাকহাম নাইখুঙনি সেক্রেটারি কিরণ গিত্যে সাখা, হাসতেঅ ডাক্তাররগনি বুকচা আচুকথায় তঙমান' সুপুঙনা বাগাঁই ২১৫ জনা ডাক্তার তীলাঙজাকনায়। জুদা জুদা হাঙখর তেই সাব ডিভিশনাল সাকহাম নকরগ' অ জরানি বিসিংগ' কীতালকুক খীলায়জাকখা। হাসতে গীনাঙগাঁই সাকহামনি বেখেৰেপনি হামকীরাই খীলায়মানি সামুঙ তাঙজাগাঁই তঙগ'। হাসতেনি লুকুরগন' কাহাম সাকহামনি সেপ রীনা আংখা হাসতে হাফাঙনি সাকথারজাক নাহারমুঙ। লামসগাঁই ককমুঙ নারীকখা সাকহাম তেই নুখুঙ হামকীরাই নাইখুঙনি অ্যাডিশনাল সেক্রেটারি রাজীব দত্ত। হামবাই য়াফারাই ককমুঙ নারীকখা সাকহাম তেই নুখুঙ হামকীরাই নাইখুঙনি দাগিফাঙ ডা. তপন মজুমদার। মানজাক ফায়নায়রগনি বিসিংগ' তঙগ' এমএইচএম মিশন ডিরেক্টর সাজু বাহিদ এ, মেডিকেল এডুকেশন নাইখুঙনি দাগিফাঙ প্রফেসর এইচ পি শর্মা, নুখুঙ হামকীরাই তেই বেমারি কাসুনায় নাইখুঙনি দাগিফাঙ ডা. অঞ্জন দাস।